



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶԻ ԴԱՐՊԱՍ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Լոռու մարզի Դարպաս
համայնք, ՀՀ Լոռու մարզ, գ. Դարպաս, 3-րդ փող. 5,
Հեռ. (0322)6-06-24 , darpas.lori@mta.gov.am

N 63

27 մարտի 2017թ.

ՀՀ ԼՈՒՈՒ ՄԱՐԶՊԵՏԱՐԱՆ
ՄԱՐԶՊԵՏ
ԱՐԹՈՒՐ ՆԱԼԲԱՆԴՅԱՆԻՆ

Հարգելի պարոն Նալբանդյան
Ձեզ եմ ներկայացնում Դարպաս համայնքի ղեկավարի թիվ 19, 20 որոշումները:
Առդիր՝ էլեկտրոնային ֆայլ:

ՀԱՄԱՅՆՔԻ ՂԵԿԱՎԱՐ՝

Արմեն Ալոյան



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶԻ ԴԱՐՊԱՍ ՀԱՄԱՅՆՔԻ
ՂԵԿԱՎԱՐ**

Հայաստանի Հանրապետության Լոռու մարզի Դարպաս համայնք
ՀՀ, Լոռու մարզ, գ.Դարպաս, (0322)6-06-24, darpas.lori@mta.gov.am

Ո Ր Ո Շ ՈՒ Մ

23 ՄԱՐՏԻ 2017թվականի N 19

**ՀԱՐԱՋԱՏԻՆ ԿՈՐՅՐԱԾԻ ԸՆՏԱՆԻՔԻՆ ԴՐԱՄԱԿԱՆ ՕԳՆՈՒԹՅՈՒՆ ՀԱՏԿԱՑՆԵԼՈՒ
ՄԱՍԻՆ**

Ղեկավարվելով «Տեղական Ինքնակառավարման մասին» ՀՀ օրենքի 48-րդ հոդվածի 1-ին մասի 2-րդ կետով և հիմք ընդունելով հարազատին կորցրածի ընտանիքից ստացված փաստաթղթերը՝

Դարպաս համայնքի ղեկավարը որոշում է.

Դարպաս համայնքի բյուջեի նախատեսված ծախսերից հարազատին կորցրածի ընտանիքին հատկացնել դրամական օգնություն 20000 (քսան հազար) դրամ:

1.Ցախկլորյան Վարդան Թաթուլի - 20000 (քսան հազար) դրամ:

Ընդամենը կազմում է քսան հազար դրամ:

ՀԱՄԱՅՆՔԻ ՂԵԿԱՎԱՐ՝

20 __ թ. _____

գ.Դարպաս



ԱՐՄԵՆ ԱԼՈՅԱՆ



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՌՈՒ ՄԱՐԶԻ ԴԱՐՊԱՍ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Լոռու մարզի Դարպաս համայնք
ՀՀ, Լոռու մարզ, գ. Դարպաս, (0322)6-06-24, darpas.lori@mta.gov.am

Ո Ր Ո Շ ՈՒ Մ

24 ՄԱՐՏԻ 2017թվականի N 20-Ա

**ՀՀ ԼՈՌՈՒ ՄԱՐԶԻ ԴԱՐՊԱՍ ՀԱՄԱՅՆՔՈՒՄ ԱՐՏԱԿԱՐԳ ԻՐԱՎԻՃԱԿՆԵՐԻ
ՀԱՆՁՆԱԺՈՂՈՎ ՍՏԵՂԾԵԼՈՒ, ՀԱՆՁՆԱԺՈՂՈՎԻ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ
ՄԱՍԻՆ**

Համաձայն «Արտակարգ իրավիճակներում բնակչության պաշտպանության» Հայաստանի Հանրապետության օրենքի 15-րդ հոդվածի և «Տեղական ինքնակառավարման մասին» Հայաստանի Հանրապետության օրենքի 35-րդ հոդվածի 1-ին մասի 29-րդ կետով, համայնքում արտակարգ իրավիճակների կանխարգելման և հետևանքների վերացմանն ուղղված միջոցառումների իրականացման նպատակով՝ Որոշում եմ.

1. Ստեղծել Դարպաս համայնքում արտակարգ իրավիճակների մշտական գործող հանձնաժողով՝ համաձայն հավելված 1-ի:
2. Հաստատել Դարպաս համայնքի արտակարգ իրավիճակների հանձնաժողովի կանոնադրությունը՝ համաձայն հավելված 2-ի:

ՀԱՄԱՅՆՔԻ ՂԵԿԱՎԱՐ

ԱՐՄԵՆ ԱԼՈՅԱՆ

20 __ թ. _____

գ. Դարպաս



Կ Ա Ձ Մ

ՀՀ ԼՈՐՈՒ ՄԱՐԶԻ ԴԱՐՊԱՍ ՀԱՄԱՅՆՔԻ ԱՐՏԱԿԱՐԳ
ԻՐԱՎԻՃԱԿՆԵՐԻ ՄՇՏԱԿԱՆ ԳՈՐԾՈՂ ՀԱՆՁՆԱԺՈՂՈՎԻ

- Ա. Ալոյան - հանձնաժողովի նախագահ, Դարպաս համայնքի ղեկավար
Դ. Վարդանյան - հանձնաժողովի նախագահի տեղակալ, համայնքի ղեկավարի տեղակալ

Հանձնաժողովի անդամներ.

- Ա. Աբրահամյան - գյուղապետարանի հողաշինարար
Ս. Պետրոսյան - համայնքի բուժ. կետի վարիչ
Ս. Գուրջանյան - դպրոցի տնօրեն
Ա. Վարդանյան - գյուղապետարանի հաշվապահ
Ա. Գուրջանյան - դպրոցի զին. ղեկ.
Վ. Զիլինգարյան - ոստիկան
Կ. Դոդոնյան - էլեկտրիկ
Ա. Թովմասյան - գազամատակարարման աշխատակից
Բ. Պապիկյան - գյուղապետարանի վարորդ



ԴԱՐՊԱՍ
համայնքի ղեկավար՝

Ա. ԱԼՈՅԱՆ

Կ Ա Ն Ո Ն Ա Դ Ր ՈՒ Թ Յ ՈՒ Ն

ՀՀ ԼՈՐՈՒ ՄԱՐԶԻ ԴԱՐՊԱՍ ՀԱՄԱՅՆՔԻ ԱՐՏԱԿԱՐԳ ԻՐԱՎԻՃԱԿՆԵՐԻ ՀԱՆՁՆԱԺՈՂՈՎԻ

1. ԸՆԴՀԱՆՈՒՐ ԴՐՈՒՅԹՆԵՐ

1. Հայաստանի Հանրապետության Լոռու մարզի Դարպաս համայնքի արտակարգ իրավիճակների հանձնաժողովը (այսուհետ՝ Հանձնաժողով) հանդիսանում է մշտական գործող, արտակարգ իրավիճակներում բնակչության և տարածաշրջանի պաշտպանության խնդիրների լուծմամբ զբաղվող մարմին:

2. Հանձնաժողովն ապահովում է համայնքի բնակչության և օբյեկտների պաշտպանության համակարգի կայունությունը, կառավարման կառուցվածքի կատարելագործումը, խոշոր վթարների և արտակարգ իրավիճակների կանխարգելմանն ու հետևանքների վերացմանն ուղղված ուժերի և միջոցների պատրաստականությունը:

3. Արտակարգ իրավիճակների հանձնաժողովի նախագահն ի պաշտոնե հանդիսանում համայնքի ղեկավարը:

4. Հանձնաժողովը համայնքի ղեկավարի կարգադրությամբ իրավունք ունի անցկացնել ստուգումներ համայնքի տարածքի բոլոր օբյեկտներում իրականացնել վերահսկողական մեթոդական գործունեություն, կազմել ակտեր այդ օբյեկտների կողմից տարերային և տեխնածին բնույթի արտակարգ իրավիճակներից բնակչության և տարածքների պաշտպանության համար ձեռնարկված միջոցառումների վերաբերյալ:

5. Հանձնաժողովի նիստերը հիմնահարցերի վերաբերյալ անցկացվում են եռամսյակը մեկ, իսկ ընթացիկ հարցերի վերաբերյալ՝ ըստ դրանց առաջացման անհրաժեշտության:

6. Հանձնաժողովն իր գործունեությունն իրականացնում է ղեկավարվելով ՀՀ օրենսդրությամբ, սույն կանոնադրությամբ և արտակարգ իրավիճակների կանխարգելմանն ու վերացմանն ուղղված այլ իրավական ակտերով:

7. Հանձնաժողովի որոշումները ենթակա են համայնքի ղեկավարի կողմից հաստատման և պարտադիր են տարածքում գտնվող բոլոր ձեռնարկությունների, կազմակերպությունների և հիմնարկների համար՝ անկախ նրանց գերատեսչական պատկանելությունից և սեփականության ձևից:

8. Արտակարգ իրավիճակների հանձնաժողովը՝

1) համակարգում է կազմակերպությունների, հիմնարկների և ձեռնարկությունների գործունեությունը՝ արտակարգ իրավիճակներում գործելու, արտակարգ իրավիճակների կանխարգելման և հետևանքների վերացմանն ուղղությամբ.

2) մասնակցում է արտակարգ իրավիճակների կանխարգելմանն ու հետևանքների վերացմանն ուղղված ծրագրերի մշակմանը և իրականացմանը.

3) զանգվածային լրատվության և այլ միջոցներով արտակարգ իրավիճակներից բնակչության և տարածքների պաշտպանության վիճակի և անվտանգության ապահովման ուղղությամբ ձեռնարկված միջոցառումների վերաբերյալ բնակչությանն ապահովում է հավաստի և օպերատիվ տեղեկատվությամբ.

4) ղեկավարում է բնակչության և կառավարման մարմինների պաշտոնատար առանց արտակարգ իրավիճակներում գործելու պատրաստականության բարձրացման գործընթացը.

5) կարող է ստեղծել արտաբյուջետային պահուստային հիմնադրամներ՝ ԱԻ կանխարգելման և հետևանքների վերացման, վթարավերականգնողական կազմավորումների ապահովման համար:

2. ՀԱՆՁՆԱԺՈՂՈՎԻ ԽՆԴԻՐՆԵՐԸ, ԳՈՐԾԱՌՈՒՅԹՆԵՐԸ ԵՎ ԻՐԱՎՈՒՆՔՆԵՐԸ

9. Հանձնաժողովի հիմնական խնդիրներն են՝

1) տարերային և տխնածին բնույթի արտակարգ իրավիճակներից բնակչության և տարածքների պաշտպանությունը կանոնակարգող օրենքների և այլ նորմատիվային ակտերի կատարման կազմակերպումը.

2) արտակարգ իրավիճակների կանխարգելման միջոցառումների, նրանց հետևանքների նվազեցման, արտակարգ իրավիճակների պայմաններում պոտենցիալ վտանգավոր (քիմիական վտանգավոր, հրդեհավտանգ, պայթյունավտանգ) օբյեկտների աշխատանքի հուսալիության ապահովման իրականացման միջոցառումների կազմակերպումը և հսկողությունը.

3) տարածքների և պոտենցիալ վտանգավոր օբյեկտների վիճակի հսկողության իրականացումը, արտակարգ իրավիճակների կանխատեսումը.

4) համայնքի տարածքում կառավարման մարմինների մշտական պատրաստականության կազմակերպումը.

5) արտակարգ իրավիճակների կանխատեսման, նրանց հետևանքների գնահատման և դրա հիման վրա արտակարգ իրավիճակների կանխարգելմանը, վնասի և կորուստների նվազեցմանը, բնակչության պաշտպանությանն ուղղված միջոցառումների մշակման և պլանավորման կազմակերպումը.

6) արտակարգ իրավիճակների կանխարգելմանն ուղղված գիտատեխնիկական ծրագրերի հետազոտման և համակարգման կազմակերպումը.

7) համայնքի տեղական ինքնակառավարման մարմինների, ուժերի և միջոցների պատրաստման կազմակերպումը, արտակարգ իրավիճակների առաջացման կամ սպառնալիքի դեպքում բնակչության պաշտպանության ձևերի և մեթոդների ուսուցանումը.

8) արտակարգ իրավիճակների կանխարգելման և հետևանքների վերացման ուղղությամբ որոշումների նախագծերի մշակումը.

9) մասնակցությունը համայնքի տարածքում պոտենցիալ վտանգավոր արտադրությունների տեղաբաշխմանը և գործունեության կազմակերպմանը վերաբերվող հարցերի քննարկմանը.

10) արտակարգ իրավիճակների կանխարգելման և հետևանքների վերացման միջոցառումների անցկացմանը հասարակական կազմակերպությունների և քաղաքացիների ներգրավման աշխատանքների կազմակերպումը:

10. Հանձնաժողովի գործառույթներն են.

1) Տեխնածին, բնապահպանական և այլ աղետների առաջացման, ճառագայթային, կենսաբանական հիդրոօդերևութաբանական իրադրության վատթարացման սպառնալիքի դեպքում արտակարգ իրավիճակների հանձնաժողովը՝

ա. ստանձնում է տեղական արտակարգ իրավիճակների հանձնաժողովների գործունեության անմիջական ղեկավարումը.

բ. անհրաժեշտության դեպքում ձևավորում է օպերատիվ խմբեր՝ իրադրության վատթարացման պատճառների պարզաբանման և կարգավորելուն ուղղված առաջարկությունների մշակման նպատակով.

գ. ուժեղացնում է պոտենցիալ վտանգավոր օբյեկտներում վիճակի դիտարկումները և հսկողությունը, կանխատեսում է արտակարգ իրավիճակների առաջացման հավանականությունը և հետևանքները.

դ. միջոցներ է ձեռնարկում հնարավոր արտակարգ իրավիճակների վերացման համար նախատեսված ուժերի և միջոցների պատրաստականության բարձրացման և անհրաժեշտության դեպքում դրանց ենթադրող գործունեությունների շրջան առաջաշման ուղղությամբ.

ե. ստեղծում է մամուլի խումբ հասարակության և զանգվածային լրատվության միջոցների հետ կապի ապահովման նպատակով.

2) Արտակարգ իրավիճակների առաջացման և հետևանքների վերացման դեպքում Հանձնաժողովը՝

ա. կազմակերպում է կառավարման մարմինների, հիմնարկների, կազմակերպությունների, ձեռնարկությունների և բնակչության ազդարարումն արտակարգ իրավիճակների մասին.

բ. աղետի գոտի է ուղղարկում Հանձնաժողովի օպերատիվ խումբ, իսկ անհրաժեշտության դեպքում նաև շարժական կառավարման կետ.

գ. կազմակերպում է հասարակական կարգի պահպանությունը, մշակութային նյութական արժեքների պահպանությունը.

դ. կազմակերպում է կառավարման կետի ծավալումը, անհրաժեշտ ուժերի և միջոցների օպերատիվ ներգրավումը և դրանց արդյունավետ օգտագործումը աղետի գոտում.

ե. համակարգում է արտակարգ իրավիճակների հետևանքների բացահայտումը և գնահատումը, դրանց վերացումը, նյութատեխնիկական պահուստի և պաշտոնի նպատակահարմար օգտագործումը.

զ. կազմակերպում և համակարգում է աղետի գոտուց բնակչության տարահանման գործողությունները և տուժածներին անհրաժեշտ առաջնահերթ օգնության ցուցաբերումը.

է. կազմակերպում է կազմակերպություններից և քաղաքացիներից (այդ թվում նաև արտասահմանյան) որպես օգնություն աղետի գոտի մուտք գործող նյութական և ֆինանսական միջոցների հաշվառումը և բաշխումը.

ը. կազմակերպում է աղետի գոտու բնակչության անհետաձգելի բուժօգնությունը, հիգենիկ-համաճարակային և կենսապահովման միջոցառումների համակարգումը.

թ. մասնակցում է արտակարգ իրավիճակների պատճառների բացահայտմանն ուղղված պետական հանձնաժողովների աշխատանքին.

ժ. ապահովում է կառավարման մարմինների՝ ըստ զեկուցագրի սահմանված ձևի տեղեկացումը աղետի գոտում իրադրության աշխատանքների ընթացքի մասին և զանգվածային լրատվության միջոցներով տեղեկացնում է բնակչությանը.

ժա. իրականացնում է հսկողություն զանգվածային լրատվության միջոցներով արտակարգ իրավիճակների մասին տեղեկությունների տարածման ընթացքի նկատմամբ: Միջոցներ է ձեռնարկում կեղծ, չստացված, խուճապային լուրերի և հաղորդագրությունների տարածման արգելման ուղղությամբ:

11. Հանձնաժողովի իրավունքներն են.

1) Համայնքի տարածքում տեղաբաշխված կազմակերպությունների և ձեռնարկությունների առաջատար մասնագետներին ներգրավել պոտենցիալ վտանգավոր օբյեկտների նախագծերի փորձաքննությանը, օբյեկտների անվտանգության ապահովման հսկողությանը.

2) մասնակցել արտադրական օբյեկտների կառուցապատման, տեղաբաշխման սխեմաների ու նախագծերի, տնտեսական և սոցիալական զարգացման պլանների մշակմանն ու քննարկմանը.

3) սահմանված կարգով ներգրավել ուժեր ու միջոցներ փրկարարական և այլ անհետաձգելի աշխատանքների կատարման համար.

4) համայնքի ղեկավարին ներկայացնել առաջարկություն՝ արտակարգ իրավիճակների ծագման դեպքում համայնքի տարածքում գտնվող օբյեկտների (անկախ սեփականության ձևից) գործունեության դադարեցման մասին.

5) Հանձնաժողովի նիստում քննարկել և համայնքի ղեկավարին առաջարկություն ներկայացնել՝ անհրաժեշտության դեպքում հանրապետության այլ մարզերում ԱԻ հետևանքների վերացման աշխատանքներին կամ միջազգային օգնության ցուցաբերմանը համայնքից ուժերի և միջոցների հատկացման հարցը:

12. Արտակարգ իրավիճակների սպառնալիքի և առաջացման դեպքում Հանձնաժողովի իրավունքներն են՝

1) սահմանել համայնքի տարածքում կամ առանձին համայնքներում բնակչության պաշտպանության համակարգի աշխատանքային ռեժիմները.

2) ուժեղացնել աղետի գոտում հասարակական կարգի, խոշոր ֆինանսական և նյութական արժեքների կենտրոնացման վայրերի, բնակչության կենսագործունեությունն ապահովող օբյեկտների պահպանությունը.

3) հատկացնել նյութական միջոցներ պահուստային հիմնապաշարներից՝ ԱԻ կանխարգելման և հետևանքների վերացման համար.

4) օգտագործել արտակարգ իրավիճակների կանխարգելման և հետևանքների վերացման համար նյութատեխնիկական, բժշկական, պարենային և այլ պաշարներ.

5) սահմանել կարանտին և այլ պարտադիր հիգիենիկ-հակահամաճարակային միջոցառումներ.

6) անհրաժեշտության դեպքում աղետի գոտում սահմանել ձեռնարկությունների և հիմնարկությունների, ինչպես նաև բնակչության կենսագործունեության հատուկ ռեժիմ.

7) տեղափոխել և պատրաստականության բերել համայնքի բնակչության պաշտպանության համակարգի կառավարման մարմինները և ուժերը:

3. ԱՐՏԱԿԱՐԳ ԻՐԱՎԻՃԱԿՆԵՐԻ ՀԱՆՁՆԱԺՈՂՈՎԻ ԿԱԶՄԸ

13. Հանձնաժողովի կազմի մեջ են մտնում համայնքապետարանի աշխատակազմի վարչությունների և առանձին բաժինների ղեկավարները, համայնքի բնակչության առաջնահերթ կենսապահովման կազմակերպությունների և հիմնարկների ղեկավարները, ուժային կառույցների ղեկավարները:

14. Աշխատանքի ամենօրյա, ուժեղացված և արտակարգ ռեժիմների պայմաններում խնդիրների կատարման համար աշխատանքային մարմիններ են հանդիսանում՝

- 1) Լոռու մարզային փրկարարական վարչությունը.
- 2) տարահանման հանձնաժողովը:

4. ՀԱՆՁՆԱԺՈՂՈՎԻ ԱՇԽԱՏԱՆՔԻ ԿԱԶՄԱԿԵՐՊՈՒՄԸ

15. Հանձնաժողովի նախագահն անձնական պատասխանատվություն է կրում հանձնաժողովի վրա դրված խնդիրների կատարման համար, բաշխում և հաստատում է Հանձնաժողովի անդամների միջև պարտականությունների կատարումը:

16. Հանձնաժողովի աշխատանքները կազմակերպվում են աշխատանքային պլանների հիման վրա: Հանձնաժողովի նիստերը ձևակերպվում են արձանագրություններով:

17. Արտակարգ իրավիճակների առաջացման դեպքում, կախված աղետի ընդգրկած ծավալից և բնույթից, ձևավորում է շտաբ, որի վրա է դրվում ներգրավված կառավարման մարմինների, ուժերի և միջոցների ղեկավարումն աղետի գոտում:

18. Կախված ստեղծված կոնկրետ իրադրությունից, տեղական նշանակության ԱԻ-ի առաջացման դեպքում, Հանձնաժողովի նախագահի կամ նրա տեղակալի որոշմամբ անցնում է աշխատանքի «ուժեղացված» կամ «արտակարգ» ռեժիմի:

19. Հանձնաժողովի որոշմամբ արտակարգ իրավիճակների վերացմանը (անկախ գերատեսչական ենթակայությունից և առանց համաձայնեցնելու վերադաս ղեկավարության հետ) ներգրավվում են մարզի տարածքում գտնվող՝

- 1) համայնքի քաղաքացիական պաշտպանության ուժերը.
- 2) արդյունաբերական և հիգիենիկ-հակահամաճարակային հսկողության մարմինների ուժերը.
- 3) Լոռու մարզային փրկարարական վարչության ստորաբաժանումները.
- 4) դիտարկման և լաբորատոր հսկողության ցանցի հիմնարկությունները.
- 5) պաշտպանության նախարարության զորամասերն ու ստորաբաժանումները:

20. Կամավորական սկզբունքով արտակարգ իրավիճակների հետևանքների վերացմանը ներգրավվում են հասարակական կամավորական փրկարարական կազմավորումները:



Կ.Տ. ԴԱՐՊԱՍ
համայնքի ղեկավար՝

Ա. ԱԼՈՅԱՆ